



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Morib. Ignatii Loiolæ, Qvi Societatem Iesv
Fvndavit, Libri III**

Maffei, Giovanni Pietro

Dvaci, 1585

Palæstinæ loca sancta perlustrat. Cap. XIV.

urn:nbn:de:hbz:466:1-44004

Palæstinæ loca sancta perlustrat.

C A P . XIV .

INde cum cetera peregrinorū turba progressus, vt ad conspectum sacratissimæ vrbis est ventum, incredibilem ex ipso illius intuitu cepit animo voluptatem: ac deinceps partim in comitatu, partim etiam solus, loca illa Christi Domini, MARIAE virginis, & Apostolorum nobilitata vestigiis, eximio quodam animi fructu venerabundus, haud semel obiit: modo incliti quondam templi reliquias, modo sepulchra Prophetarum intuens: hic nascentis & vagientis; illic docentis, & miracula patrantis filij Dei monimenta considerans. Vbi vero ad loca eiusdem acerbissimis pœnis insignia, & morientis in cruce sanguine consecrata, atq. ad defuncti sepulchrum accederet; effusus in lacrymas humo pia oscula imprimere, immortales agere Domino gratias, incredibili quadam spiritus dulcedine & suavitate compleri. Ad hæc antiquum beatissimæ Virginis domicilium, itemq. locum instituto primū Eucharistiæ mysterio, & sancti Spiritus aduentu memoradum, & alia eiusmodi quamplurima, quæ per otium deinde reuiseret, à mystagogo quam accuratissime addiscere. Erat Ignatio iamdiu deliberatum, vt diximus, in augustis illis Iudææ sedibus pedem figere, atq. ad conuertendos ad Evangelij lucem infideles toto pectore incumbere; quod non reperiret vel ubi sanctius in terris vitam degeneret, vel in quo munere fructuosius operâ collocaret. Neque, plurimis iam experimentis diuinæ bonitati confidere, & in diem paruoq. viuere assuetum, rerum quæ ad corpus pertinet, habebat cura vlla solicitum.

Id vero

Id vero laborabat vnum, fragilitatis humanæ vide-
licet conscius, ne spiritui quotidie deficiēti, & noxa-
rum fordes aliquas contrahenti, opportuna sacræ
Pænitentiæ ablutio, & cælestis panis alimenta dees-
sent. Quam ad rem idoneum ratus ministerium fra-
trum è Frāciscana familia, qui loca illa religiosa tuen-
tur, & peregrinis aduenientibus præsto solent esse;
adit ille ad custodem cœnobij, ac litteras ei, quas ex
Italia commendatitias attulerat, reddit; &, quod ad
conuersionem infidelium attinet, nihil ei suorum
consiliorum impertit; voluntatem vero suam in eis-
dem sedibus commorandi habitandiq. demonstrat:
rogat proinde, vt si se fratres dumtaxat tecto recipiāt,
sibiq. confessionis & Eucharistiæ sacramenta mini-
strent: sc, quæ ad victum cultumq. spectent, nullo
prospero eorum incōmodo curaturum. Custos, par-
tim cōmendatione amicorum, partim postulati mo-
deratione permotus, bene sperare iubet Ignatiū, ita
tamen, vt rem in aduētum Prouincialis ministri dif-
ferret, qui per eos dies in Bethleē oppido versabatur.
nec dubitauit Ignatius quin æque facilē Prouincia-
lem esset habiturus, atq. custodē habuerat. itaq. cum
reditus iam peregrinorū instaret, litteras ad amicos
in Occidentem scribere aggressus est, quibus eos de
suo statu faceret certiores. Cum igitur maxime scri-
beret, quod in posterū diem peregrinis erat indicta
profectio; ecce tibi à custode nuntius, adesse Prouin-
ciale, & Ignatum accersere. ad quē bonæ spei ple-
nus cum exemplo adiisset, collaudat ille primo piā
hominis voluntatem: sed re apud se diligentius deli-
berata, videri sibi ait satius, vt recedat; idq. cum alias
ob causas, tum vero quod ante id tēpus nonnulli eo-
dem studio accensi, dum securius vagantur, à Turcis
excepti,

excepti, vel misere periissent, vel certe in acerbæ seruitutis calamitatem incidissent, quos deinde propter officium ac vicinitatem Franciscani fratres non sine magno cœnobij detimento redimere cogebantur. proinde se in diem insequētem cum ceteris peregrinis ad iter accingeret. Ad quæ cum ita respondisset Ignatius, ut sibi certum fixumq. esse affirmaret, Hierosolymis omnino restare; simulq. modeste significaret, se, quamvis aliter sentiente Prouinciali, nequam, nisi aliqua oblata religione, à proposito recessurum: tum ille potestatem se à summo Pontifice habere subiunxit sacris interdicendi, si quis inuito se ibidem remanere conatus esset: iamq. potestatis eius diploma proferre paranti, confessim Ignatius, ut omnia Ecclesiastica iura & imperia valde reuerebatur, nihil prolatu opus esse respondit, credere se quæ diceret; & quoniam ita iuberet, dicto audientē fore. Dum igitur ad hospitium tendit mærens, vt se ad redditum comparet; acris illum incessit repente cupiditas montis Oliueti illius celeberrimi reuisendi, quo in summo cernūtur adhuc I e s v Christi ascendentis in cælū expressa vestigia: ac ne quis forte in tantis temporis angustiis impedimento sibi esset, re nemini patefacta, & (quod periculosius est) nullo propter inopiam Turca secum adhibito ex iis qui mercede conducti peregrinis in ea regione præsidio sunt; solus ad montem excurrit: cumq. à custodibus non admitteretur, cultellum è calamaria theca detractum mercedis loco iis dedit, sacri montis cacumen subiit alacer, & diuinorum pedū notas multa cum prece & ingēti gaudio veneratus, ad Bethphage properauit: ubi dum singula curiose perlustrat, subiit illius animum subito, minus diligēter in Oliueti fastigio sese

animad-

animaduertisse, vtra ex cæli plaga dextrum, vtra finis
strum esset Christi vestigium: qua dubitatione quasi
quibusdam calcaribus incitatus, illico ad montem
recurrerit, adnotauitq. intentis oculis vel minutissima
quæq. sic, vt locus in posterū dubitationi non esset:
vñque adeo inexplebile studium sacro sancta illa re-
demptionis humanæ monumenta, & incunabula
Christianæ religionis penitus etiam atq. etiam co-
gnoscendi recolendiq. mentē eius inuaserat. Interea
cum abesset diutius, nec in turba peregrinorum ap-
pareret, ad Fráscanos defertur desiderari ex eo nu-
mero Ignatium. Franciscani suspiciati id quod erat,
ac veriti ne per eam solitudinē Ignatius in aliquod
vitæ vel seruitutis discriminem incurreret; Armenium
quemdam in eo cœnobio ministrantē, ad illum per-
quirendum celeriter mittunt. qui descendēti ex Oli-
uetō commodum Ignatio factus obuiam, fuste pri-
mum, ac truci vultu acriter minitari, ac temeritatem
aspere admodum increpare, deinde immissa manu,
& brachio ferocius apprehensum ad diuersoriū tra-
here minime sane renitentem, quin etiam nouo cæ-
lestis gaudij tore perfusum, quodd inter eas contu-
melias Christum sibi præsentē, & vsq. ad hospitium
præeunte, incredibili quodam genere consolatio-
nis aspiceret.

In Hispaniam redit. C A P. X V.

VT igitur postera dies illuxit, cum reliquo
peregrinorum agmine Ignatius abiit præ-
desiderio tristior, & relicta prouinciam
sine fine respiciens: nec tamen, quoniam
præsenti necessitate victus inde recederet, de mu-
niendo